

Broj: 101-5409/22 DŽS
Zenica, 11.04.2022. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-5407-1/22 DŽS od 11.04.2022. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 501-5407/22 DŽS od 11.04.2022. godine u postupku dodjele okvirnog sporazuma za nabavku goriva i prihvata se preporuka Komisije za nabavke da se okvirni sporazum zaključi sa ponuđačem:

ALMY d.o.o. Zenica

kao najbolje ocijenjenom ponuđaču, prema ponudi protokoliranoj pod brojem: 501-4362/22 od 17.03.2022. godine, a nakon e-aukcije za ostvarenu cijenu od 302.980,00 KM, bez uračunatog PDV-a.

II

Prvobitno ponuđena cijena izabranog ponuđača u iznosu od 318.200,00 KM nakon provedene e-aukcije umanjena je za 4,78 %.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

III

Prijedlog okvirnog sporazuma dostavit će se na potpis izabranom ponuđaču ALMY d.o.o. Zenica nakon isteka roka od 15 dana, računajući od dana kada je ponuđač obaviješten o izboru najpovoljnije ponude.

IV

Za izvršenje ove Odluke zadužuje se Komisija za nabavke, Služba za kadrovske i opšte poslove, te Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-1464/22 BS od 14.02.2022.godine. Javna nabavka je provedena putem otvorenog postupka sa zaključivanjem okvirnog sporazuma na period od 36 mjeseci.

Procijenjena vrijednost javne nabavke bez uračunatog PDV-a je 300.000,00 KM.

Dana 15.02.2022. godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-58-3-26/22 objavljena je i tenderska dokumentacija.

Poziv za preuzimanje tenderske dokumentacije broj: 406-1464-2/22 BS od 15.02.2022. godine upućen je sljedećim ponuđačima:

1. ENERGOPETROL d.d. Sarajevo
2. HIFA PETROL d.o.o. Sarajevo
3. TIOIL d.o.o. Vitez
4. BRKIĆ PETROL d.o.o. Zenica

U prilogu Izvještaja o radu Komisije dostavlja se Izvještaj o preuzimanju tenderske dokumentacije od strane ponuđača preuzet sa portala javnih nabavki dana 21.03.2022. godine u 14:40 sati.

Rok za dostavljanje ponuda je bio 18.03.2022. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su četiri ponude u zatvorenoj koverti, i to:

1. ENERGOPETROL d.d. Sarajevo
2. ALMY d.o.o. Zenica
3. HIFA – PETROL d.o.o. Sarajevo
4. BRKIĆ PETROL d.o.o. Zenica

Komisija za nabavku imenovana je Odlukom broj: 105-16977/21 BS od 31.12.2021. godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri),
- da su blagovremeno zaprimljene 4 (četiri) ponude,
- da nema neblagovremeno zaprimljenih ponuda,
- ukupno 10 (deset) ponuđača je preuzelo tendersku dokumentaciju i ispravku tenderske dokumentacije sa Portala javnih nabavki.

Komisija za nabavku je dana 11.04.2022. godine direktoru preduzeća dostavila Zapisnik o ocjeni ponuda broj: 501-5407/22 DŽS od 11.04.2022. godine sa preporukom o izboru najpovoljnijeg ponuđača.

Uvidom u priloženu dokumentaciju otvorenog postupka broj: 406-1464-3/22 BS od 14.02.2022. godine – Nabavka goriva, a tokom preliminarne pregleda i ocjene prispjelih ponuda, Komisija po članu 66. Zakona o javnim nabavkama (“Sl. glasnik BiH”, broj: 39/14), i članu 17. Uputstva za pripremu modela tenderske dokumentacije i ponuda (“Sl. glasnik BiH”, broj: 90/14), nije našla osnovan razlog da izrazi sumnju da je cijena dostavljene ponude bilo koje ponuđača neprirodno niska.

Ponuđač HIFA – PETROL d.o.o. Sarajevo je u Aneksu 2 – Obrazac za cijenu ponude napisao da je cijena na 4 decimale 2,2650 KM i tačno je zaokružio (2,26495), dok je na 2 decimale naveo da je cijena 2,26 umjesto 2,27 što bi bilo u skladu sa uputom iz tenderske dokumentacije (dio D-podaci o ponudi, tačka 5. - određivanje cijene, stav 11. i Aneks 2 – Obrazac za cijenu ponude tačka 4.). Iz gore navedenog razloga ponuda ponuđača HIFA – PETROL d.o.o. Sarajevo se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđačima koji su dostavili formalno – pravno ispravne i tehnički prihvatljive ponude, ugovorni organ je shodno odredbi čl.4. Pravilnika o načinu korištenja e-aukcije zakazao e-aukciju za dan 08.04.2022. godine, u terminu od 10:00 sati.

Ponude ponuđača, prije početka e-aukcije su:

1. ENERGOPETROL d.d. Sarajevo, sa ukupnom cijenom ponude u iznosu od 329.720,00 KM bez PDV-a
2. ALMY d.o.o. Zenica, sa ukupnom cijenom ponude u iznosu od 318.200,00 KM bez PDV-a
3. BRKIĆ PETROL d.o.o. Zenica, sa ukupnom cijenom ponude u iznosu od 311.200,00 KM bez PDV-a

E - aukcija je održana u zakazanom terminu.

U e-aukciji ponuđači su mijenjali iznose svojih ponuda.

Konačne ponude, nakon završetka postupka e-aukcije su:

1. ALMY d.o.o. Zenica, sa ukupnom cijenom ponude u iznosu od 302.980,00 KM bez PDV-a
2. ENERGOPETROL d.d. Sarajevo, sa ukupnom cijenom ponude u iznosu od 303.291,80 KM bez PDV-a
3. BRKIĆ PETROL d.o.o. Zenica, sa ukupnom cijenom ponude u iznosu od 311.200,00 KM bez PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. ALMY d.o.o. Zenica, sa ukupnom cijenom ponude u iznosu od 302.980,00 KM bez PDV-a
2. ENERGOPETROL d.d. Sarajevo, sa ukupnom cijenom ponude u iznosu od 303.291,80 KM bez PDV-a
3. BRKIĆ PETROL d.o.o. Zenica, sa ukupnom cijenom ponude u iznosu od 311.200,00 KM bez PDV-a

Komisija je konstatovala da je ukupna vrijednost ponude prvorangiranog ponuđača ALMY d.o.o. Zenica od 302.980,00 KM bez PDV-a i nakon e-aukcije veća od procijenjene vrijednosti nabavke. Međutim, obzirom da je vrijednost ponude prvorangiranog ponuđača za 2.980,00 KM, odnosno za 0,98% veća od procijenjene vrijednosti nabavke, Komisija je stava da se radi o neznatno većoj vrijednosti od procijenjene, te da je ponuda prvorangiranog ponuđača prihvatljiva za ugovorni organ.

S tim u vezi, a uzimajući u obzir da se radi o neznatno većoj vrijednosti od planiranih finansijskih sredstava za predmetnu nabavku, Komisija je predložila da Uprava preduzeća, shodno odredbama članova 69. i 70. Zakona o javnim nabavkama BiH, donese odluku da se prihvati ponuda ponuđača ALMY d.o.o. Zenica.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.

DOSTAVLJENO:

- 1 x Ponuđačima
- 1 x Direktor preduzeća
- 1 x Pom.dir.za ekon.i pravne posl.
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a



Direktor:

Emir Pašalić
Pašalić Emir, dipl.Ing.grad.